



ORGANI SHQYRTUES I PROKURIMIT

Sipas Nenit 109 të Ligjit nr. 04/L-042 për Prokurimin Publik të Republikës së Kosovës, i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092

Një ankesë kundër: Komisioni i Pavarur për Miniera dhe Minerale

Për Aktivitetin e Prokurimit: Konsolidimi i infrastrukturës së TI-së dhe Storage për Backup

Nr i prokurimit	318-20-5711-1-2-1
Nr i brendshëm	318 20 017 121

ANKESË

1. Identifikimi i ankuesit*

Emri i Kompanisë: **Botek shpk**

Adresa : **Rruga "Agim Ramadani", Nr. 517, Prishtinë, 10 000**

Numri Telefonit/ Numri i Faks-it: **038/245830 / 038/245625**

(Emri i plotë i përfaqësuesit të kompanisë suaj: **Hilmi Asllani**

Adresa elektronike: **hilmi.asllani@bo-tek.com**

Data e parashtrimit të ankesës: **19.10.2020**

Nënshkrimi dhe vula:



2. Identifikimi i avokatit

Parashtruesi i ankesës mund ta parashtroj ankesën vetëm ose përmes avokatit të tij. Nëse ankesa parashtrohet përmes avokatit, atëherë duhet bashkangjitur autorizimin e përfaqësimit me PROKURË.

Shëno të dhënat si në vijim:

(Emri i avokatit)

(Adresa e plotë)

(Numri i Telefonit) (Numri i faks-it)

(Adresa elektronike)

(Data e parashtrimit të ankesës) (Nënshkrimi dhe vula)

3. Të dhënat mbi aktivitetin e prokurimit

[Shëno një përshkrim të shkurtër lidhur me datën dhe vendin në të cilën është publikuar " Njoftimi për Kontratë "apo "Njoftimi për konkurs të projektimit" dhe, nëse aplikohet "Njoftimi për dhënie të Kontratës", "Njoftimi për Rezultatet e Konkursit të Projektimit" apo "Njoftimi për anulim të aktivitetit të prokurimit", nëse aplikohet, afatin e fundit për dorëzimin e tenderit, datën dhe orën e fillimit të procesit për Hapjen e Tenderëve, si dhe kriteri për dhënie të kontratës]:

- Njoftimi për kontratë: 01.10.2020
- Afati i fundit për dorëzim të tenderit : 20.10.2020, ora 14:00
- Kriteri për dhënien e kontratës : Çmimi më i ulët.
- Kërkesa për Rishqyrtim dërguar AK përmes Platformës së e-Prokurimit: 07.10.2020
- Vendim i Autoritetit Kontraktues mbi Refuzimin e Kërkesës për Ri-Shqyrtim: 08.10.2020

4. Procesi i Hapjes së tenderëve, nëse aplikohet

A keni marrë pjesë në procesin e Hapjes së tenderëve? Nëse po, specifikoni shkurtimisht ecurinë e procesit të Hapjes së Tenderëve.

Po ☐

Jo ☒

Hapja është me datë 20.10.2020

5. Njoftimi mbi Eliminimin e Tenderuesve, nëse aplikohet

A jeni njoftuar me shkrim lidhur me eliminimin tuaj nga pjesëmarrja e mëtutjeshme në aktivitetin e prokurimit ?

Po ☐

Jo ☒

6. Zgjidhja preliminare e mosmarrëveshjeve

A keni bërë kërkesë për rishqyrtim pranë AK lidhur me arsyet e eliminimit tuaj?

Po ☒

Jo ☐

Me datën 07.10.2020 përmes platformës së e-prokurimit kemi dërguar Kërkesën për Rishqyrtim të Autoriteti Kontraktues – Komisioni i Pavarur për Miniera dhe Minerale

Me datë 08.10.2020 kemi pranuar përgjigje në Kërkesën tonë për Rishqyrtim.

7. Dispozitat e shkelura nga Autoriteti Kontraktues

Specifikoni dispozitën ose dispozitat e LPP-së që supozohet të jenë shkelur nga Autoriteti Kontraktues që nga momenti i publikimit të Njoftimit për Kontratë/Konkurs të Projektimit, dhe nëse aplikohet gjerë në përmbylljen e këtij aktiviteti të prokurimit me publikimin e Njoftimit për Dhënien e Kontratës apo Njoftimit për Rezultatet e Konkursit të Projektimit apo Njoftimit për Anulim.

Shkeljet e dispozitave të Ligjit nr. 04/L-042 për Prokurimin Publik të Republikës së Kosovës, i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092:

- Neni 1, Qëllimi;
- Neni 6, Ekonomiciteti dhe Efikasiteti;
- Neni 7, Barazia në Trajtim/ Jo-Diskriminimi;
- Neni 27, Dosja e Tenderit;
- Neni 28, Specifikimet teknike.

*** Sipas Nenit 118 të LPP, OSHP-ja do të kthejë tarifën tuaj nëse ankesa aprovohet si e bazuar. OSHP-ja mund të kërkojë një gjobë shtesë deri në 5,000 Euro në rastet kur OSHP-ja konstaton që të gjitha apo cilado nga pretendimet e parashtruara në ankesë kanë qenë të rrejshme ose mashtruese.*

8. Deklaratë detale mbi faktet dhe argumentet

Përshtatja rrethanat faktike që përbëjnë supozimin për shkeljen e dispozitave të LPP-së. Ofroni deklaratë të qartë dhe të detajuar për faktet dhe argumentet të cilat mbështesin secilën bazë të ankesës tuaj.

Ne qëndrojmë në pretendimet tona të cilat i kemi parashtruar në Kërkesën për Rishqyrtim të datës 07.10.2020, të cilën ia bashkangjesim kësaj anese.

Më poshtë elaborojmë edhe një herë dispozitat ligjore të shkelura nga Autoriteti Kontraktues-KPMM.

1. Sipas nenit 1, Qëllimi i ligjit të prokurimit publik është të sigurojë mënyrën më efektive, më transparente dhe më të drejtë të shfrytëzimit të fondeve publike, burimeve publike si dhe të gjitha fondeve dhe burimeve të tjera të autoriteteve kontraktuese në Kosovë duke përcaktuar kushtet dhe rregullat që do të zbatohen, procedurat që do të ndiqen, të drejtat që do të respektohen dhe detyrimet që do të përmbushen nga personat, operatorët ekonomik, ndërmarrjet, autoritetet kontraktuese, koncesionerët e punëve dhe organet publike që zhvillojnë, përfshihen, marrin pjesë ose interesohen, në aktivitetet e prokurimit ose që përfshihen ose kanë të bëjnë me fondet dhe/ose burimet e tilla.

Autoriteti Kontraktues përmes përgatitjes së specifikimeve teknike të cilat i janë përshtatur vetëm një prodhuesi të caktuar dhe për të cilat pajisje në Kosovë ka mundësi vetëm një operator ekonomik i caktuar të i sjellë sepse prodhuesi i pajisjeve nuk lëshon autorizime tjera, atëherë kjo me automatizëm ndikon në mënyrë të drejtpërdrejtë në shfrytëzim jo efikas dhe transparent të fondeve publike. Në rastet të tilla kemi mungesë të konkurrencës, transparencës dhe shfrytëzim të drejtë të fondeve publike.

Pasi që AK-KPMM ju ka përshtatur specifikimet teknike vetëm një prodhuesi atëherë nuk ka pasur nevojë të shpall tender përmes procedurës së hapur, por ka qenë dashur të shkojë përmes procedurës së negociuar, sepse në fund të fundit cila do procedurë që përdoret me këto specifikime teknike do të kemi vetëm një operator ekonomik të përgjeshëm.

2. Sipas nenit 6 Ekonomiciteti dhe Efikasiteti, të gjitha autoritetet kontraktuese, janë të obliguara që të sigurojnë që fondet publike dhe burimet publike të përdoren në mënyrën më ekonomike, njëkohësisht duke marrë në konsideratë qëllimin dhe lëndën e prokurimit.

Në këtë rast AK-KPMM nuk ka marrë për bazë mënyrën e shfrytëzimit të fondeve publike në formën më ekonomike sepse ka eliminuar përmes përshtatjes së specifikimeve teknike prodhues të mëdhenj botëror, të cilët prodhojnë pajisje të tilla të cilat janë kërkuar nga AK-KPMM. Eliminimi i tillë dhe pamundësia për të ofertuar neve si OE të cilët jemi të autorizuar nga disa prodhues të mëdhenj botëror do të ndikon në shfrytëzim jo ekonomik të fondeve publike, sepse ofertuesi i caktuar duke ditur që nuk ka konkurrencë të caktuar do të përgatis ofertën me çmim

maksimal

të

mundshëm.

3. Neni 7, Barazia në Trajtim/ Jo-Diskriminimi, Autoriteti kontraktues do ti trajtoj operatorët ekonomik në mënyrë të barabartë dhe jo-diskriminuese dhe do të veprojë në mënyrë transparente.
Në këtë rast AK-KPMM ka përdorur specifikime teknike duke i diskriminuar të gjithë prodhuesit tjerë në përjashtim të një prodhuesi, kjo në mënyrë të drejtpërdrejtë na ka diskriminuar neve si operator ekonomik të interesuar dhe prodhuesit potencial me të cilët ne bashkëpunojmë.

4. Neni 27, Dosja e Tenderit, AK-KPMM ka përgatitur në përgjithësi dosje të tenderit dhe në veçanti pjesën e specifikimeve teknike në kundërshtim me nenet e lartcekura dhe dispozitat tjera ligjore të LPP-së dhe kërkojmë nga AK-KPMM që të bëjë ndryshime të dosjes së tenderit në harmoni me dispozitat ligjore të LPP-së.

5. Neni 28, Specifikimet teknike, sipas paragrafit 2 të nenit 28 të LPP-së “ **Autoriteti kontraktues do t’i përpilojë specifikimet teknike në atë mënyrë që ato të jenë në përputhje me qëllimin e prokurimit dhe të drejtuara drejt sigurimit të qasjes sa më të mirë për të gjithë operatorët e interesuar ekonomik dhe tenderuesit. Autoriteti kontraktues është veçanërisht i ndaluar që të hartojë specifikime teknike që favorizojnë ose diskriminojnë një ose më shumë operatorë ekonomik**”.

Po ashtu paragrafi 7 i nenit 28 të LPP-së thotë “Autoriteti kontraktues nuk do të përpilojë specifikimet teknike që i referohen një artikulli ose burimi të veçantë, ose një procesi të hollësishëm, ose ndonjë shenje dalluese, lloji ose origjine të veçantë ose ndonjë prodhimi. Pavarësisht nga e mësipërmja, autoriteti kontraktues mundet, që në kushte të jashtëzakonshme, të hartojë specifikime teknike ose të bëjë një referim të tillë të veçantë, nëse autoriteti kontraktues në mënyrë të qartë vërteton se, nuk është e mundur që të përpilojë një specifikim mjaft të saktë dhe të kuptueshëm të lëndës së kontratës përkatëse, në pajtim me paragrafin 3-6. të këtij neni ose ndryshe; me kusht që, çfarëdo referimi i tillë të shoqërohet me fjalët “ose ekuivalent”

Ne rastin konkret AK-KPMM saktësisht personat përgjegjës për hartimin e specifikimeve teknike nuk kanë zbatuar në asnjë rast paragrafin 7 të nenit 28 sepse edhe pse ju kanë referuar prodhuesit të caktuar nuk kanë përdorur në asnjë rast fjalën “ose ekuivalent”.

Në Kërkesën për Rishqyrtim të dorëzuar me datë 07.10.2020, kemi cekur të gjitha këto shkelje ku i kemi bërë me dije edhe AK-KPMM se specifikimet teknike janë diskriminues dhe i kemi njoftuar saktë se cilit prodhues i janë përshtatur këto specifikime, si dhe cilët prodhues botëror janë eliminuar nga konkurrenca.

Me datë 08.10.2020 kemi marrë Vendimin e AK-KPMM si përgjigje në Kërkesën tonë për Rishqyrtim, ku Autoriteti Kontraktues e cilëson Kërkesën tonë si të pabazuar dhe refuzohet pa ndonjë bazë ligjore.

Vlen të theksohet fakti se në përgjigjet e AK-KPMM-së rreth pjesës së specifikimeve teknike në asnjë rast nuk e arsyetojnë me ndonjë fakt mirëpo vetëm përgjigja e tyre është, citat “

KPMM pa dashur të diskriminojë asnjë prodhues të caktuar për pajisje të tillë ka përgatitur këto specifikime teknike në harmoni me nevojat dhe kërkesat e KPMM-se duke marrë për bazë gjendjen ekzistuese të infrastrukturës së IT-se që kemi brenda në KPMM.

Specifikat teknike janë të përgatitura sipas nevojave të KPMM për Upgrade të infrastrukturës ekzistuese. OE duhet të ofrojnë zgjidhje që plotësojnë të gjitha kërkesat minimale të detyrueshme sipas dosjes së tenderit.

Ne si operator ekonomik nuk e kuptojmë qëllimin dhe tendencën e AK-KPMM për të mos ofruar informata të mjaftueshme të gjendjes ekzistuese të cilën e kanë brenda sistemit të tyre dhe kjo tregon se ata nuk janë transparent në këtë aktivitet të prokurimit.

Në këto raste kur pajisjet e reja ndërlihen me një gjendje ekzistuese të ndonjë sistemi ekzistues brenda autoritetit kontraktues, fillimisht autoriteti kontraktues duhet ta përshkruaj atë gjendje në atë mënyrë që të gjithë operatorët ekonomik të jenë të njoftuar për këtë.

Nga kjo lind pyetja për AK-KPMM si mund ta dinë operatorët ekonomik gjendjen ekzistuese brenda AK-KPMM nëse ju nuk e keni përshkruar në dosje të tenderit.

Bazuar në shkeljet e lartcekura të dispozitave ligjore të LPP-së kërkojmë nga paneli shqyrtues i OSHP-së të detyron AK-KPMM konform kompetencave të veta ligjore të bëjë korrigjim të njoftimit për kontratë dhe ndryshim të specifikimeve teknike të dosjes së tenderit për këtë aktivitet të prokurimit

9. Dëmet materiale

Përshkruaj mënyrën se si shkelja e supozuar i ka shkaktuar ose kërcënohet t'i shkaktojë dëme materiale parashtruesit të ankesës, ne rast se përfshini pretendime për kompensim.

Dëmet e shkaktuara me rastin e përgatitjes së Kërkesës për Ri-shqyrtim te Autoriteti Kontraktues dhe Ankesës në Organin Shqyrtues të Prokurimit, si dhe humbja e fitimit të parashikuar nga kontrata.

10. Lista e dokumenteve (dëshmime) të bashkangjitura

1. B05 Njoftimi për kontratë: 01.10.2020
2. Kërkesa për Rishqyrtim dërguar AK përmes Platformës së e-Prokurimit: 07.10.2020
3. Vendim i Autoritetit Kontraktues mbi Refuzimin e Kërkesës për Ri-Shqyrtim: 08.10.2020
4. Dëshmia e pagesës për depozim të ankesës në OSHP

****Sipas Nenit 111.2 të LPP, Parashtruesi i ankesës, origjinalin e ankesës do t'ia dorëzojë OSHP-së dhe njëkohësisht një kopje do t'ia dërgojë në mënyrën më të shpejtë të mundshme Autoritetit Kontraktues.*